



# Il mas-chalch da Sent

Publicaziuns officialas. Cumpara seguond bsögn.  
2006/2008  
no. 10

7554 Sent, 22 gün 2006 / mw

## Invid

A tuots ed a tuottas per la festa in onur da Gore Vidal



**Gore Vidal,**  
**Los Angeles – Sent, 27 gün 2006**

El es ün dals plü cuntschaints scripturs americans, da grond renom mundial, el es cineast, ma eir hom da la politica e'l grond intellectual. Cusdrin dad Al Gore, mez frar da Jackie Kennedy, ami da J.F. Kennedy. Ma quai chi nu's savaiva fin uossa: Esser e'l rumantsch – e na be quai, forsa propi da Sent. In sia autobiografia (Palimpsest) scriv'el nempe ch'el saja d'oriunt rumantsch. Not Vital ha tschüff buonder ed ha fat ün pêr retscherchas. Ün Felice Vital (da quel temp amo Vidal) es emigrà illa prüma mità dal 19avel tschientiner, vers l'America saja'l i, ma dudi nu's haja plü nöa dad el. Il bazegner da Gore Vidal vaiva nom Felix, scha quai füss forsa l'istess? Quai nu's saja, ma in mincha cas para l'idea interessanta a Gore Vidal. Cur cha Not Vital til ha visità a Los Angeles in mai da quist on, ha'l dit ch'el vess jent da gnir a Sent, in tschercha da sias ragischs.

Uossa riv'el in Engiadina, in mardi chi vain daja la festa. La musica da cumün til fa onur, preschaint es natüral eir il capo e'l cussagl cumünal e no sperain cha bleras convaschinas (fora dafatta in costüm engiadinai?) e blers convaschins gnian eir a salüdar il giast prominent.

Aperitif aint il "Parkin Not dal Mot" **in mardi, als 27 gün, da las 17.00 fin las 20.00.**

Cordialmaing invida:

**Fundaziun Not Vital**

## L'exposiziun da las lavurs manualas in chasa da scoula

Ils scolars preschaintan lur lavurs da man textilas e na textilas sco eir disegns in **gövgia als 29 gün 2006** da las 14.00 – 18.00.

## **Publicaziun / Bekanntgabe**

### **Approvaziun – Planisaziun cumünala**

La Regenza dal chantun Grischun ha als 23 mai 2006 approvà in sia decisiun no. 596, in applichond l'artichel 49 da la ledscha chantunala da planisaziun, la revisiun parciala da la planisaziun cumünala, decissa illa radunanza cumünala dals 12 december 2005.

#### **Mez da planisaziun - Plan general da la preparaziun dal terrain 1:2'000 Flüs**

La revisiun parciala da la planisaziun e la decisiun tratta da la Regenza as poja tour invista sün büro cumünal i'ls prossems 20 dis.

### **Genehmigungsbeschluss Ortsplanung**

Die Regierung des Kantons Graubünden hat am 23. Mai 2006 mit Beschluss Nr. 596 in Anwendung von Art. 49 des kantonalen Raumplanungsgesetzes (KRG) die von der Gemeindeversammlung am 12. Dezember 2005 beschlossene Teilrevision der Ortsplanung genehmigt.

#### **Planungsmittel - Genereller Erschliessungsplan 1:2'000 Flüs**

Die Teilrevision der Ortsplanung und der vollständige Regierungsbeschluss liegen in der Gemeindekanzlei auf und können während 20 Tagen eingesehen werden.

7554 Sent, 22 gün 2006

**Pel Cussagl cumünal**

Il capo: Jon Carl Rauch

L'actuar: Rico Zini

### **Avis**

Il termin per pajar **l'imposta a la funtana** pel **prüm mez on** scrouda als **30 gün 2006**. Nus giavüschain a tuots da far giò quint cul cumün fin il plü tard ils **15 lügl 2006**. Formulars, tariffas etc. as poja retrar pro l'uffizi d'impostas cumünal.

**Uffizi d'impostas cumünal**

### **Plan da scoula e vacanzas per l'on da scoula 2006/2007**

#### **scoula:**

21 avuost - 6 october 2006

23 october - 22 december 2006

24 december, Nadal, es di da scoula

#### **vacanzas:**

9 october - 20 october 2006

25 december 2006 - 3 schner 2007



Baselgia dal mais gün.

**Gövgia, als 13 lügl a las 20.00 illa sala da la chasa cumünala da Sent.**

Manader da la discussiun: Jon Peider Steiner

Rumantsch

**FORUM Baselgia refuormada  
Engiadina bassa**